

- „**Zelebraziuns dla Parora de Dio**“: le consei pastoral á aproé le program arjigné ca dal grup de liturgia. Les zelebrazziuns é ponsades por pité ala comunité na funziun te dlíjia dis de festa olá che al n'é nia preodü na messa a La Pli y ince por cíafe confidonza con cösta funziun co á y ará n post emportant tla liturgia.

vendres	06.05	vendres dles crusc
vendres	24.06	gran festa dal Nadé de San Jan le Baciadú
lönesc	25.07	festa de San Iaco apostul
dedemesaledema	21.09	festa de San Mateo apostul y evangelist
vendres	28.10	festa dai sanc Sciomun y Iüda Tadeus apostui
dedemesaledema	09.11	festa dla consacraziun dal basilica laterana
advent	1 al edema y na funziun penitenziala con sig. ploan	

Idio ti sporj söa parora ala porsona y la porsona dá söa resposta. Ensciö é la funziun sacra dagnora en event dialoghé danter Idio y la porsona tl'aziun y tles parores, tal baié, tal ascuté, tal rospogne.

Zelebraziun dla Parora de Dio ô dí: cösta parora sta tal zenter; döt se roda encer cösta parora. Cösta parora porta ligreza, ara consoleia y delibreia. La combinaziun alternativa danter parora, perié y cianté cherieia y fej sperimenté danö na comunité olach'al ven a löm le regn de Dio. (da "Zelebraziun dla Parora de Dio")

- **KVW:** le KVW dal raiun de Puster envieia les porsones vedoes y sores al **pelegrinaje a Götzens** dlungia Desproch **en lönesc de Pasca de ma ai 16 de ma**. Le bus peia ia da San Laronz ales 8:45. lade y marena costa 34,00 €. Prentaziuns cina en jöbia ai 12 de ma pa Maria de Ierghela, ☎ 0474 501322 o pal KVW da Bornech, ☎ 0474 411149.

- **Munt de Fanes:** en **dedolönesc ai 3 de ma** ales 20:00, él t'la Gran Ciasa la sontada dla munt de Fanes.

1 informaziuns y termins

KVW Senioreclub: en dedemesaledema ai 4 de ma peion ia ales 9:20 d'Al Plan demez con le bus de ligna, por jí a Porsenu. Enló jarán ennant a pé cina Albeins.

Kmb - Uniun dai Ei: en vendres ai 13 de ma él le pelegrinaje dai ei da Porsenu a Neustift. An peia ia ales 21:00 sön plaza dl'Aquarena. Ales 22:00 él na santa messa te dlíjia da Neustift. Informaziuns da "Katholische Männerbewegung", ☎ 0471 052520, o www.kmb.it

Sorvisc ai Jogn: en vendres ai 6 de ma, dales 16:00 ales 17:00, vegnel pité tal zenter dla joneza y dla cultura Saj.un a La Ila (ciasa dla cultura, 2ª alzada) l'ultima consulenza con Giorgio Costabiei (dependent dal ufize dal laur a Bornech) por co cíafe laur dertan l'isté por jogn y jones dla Val Badia. Ara é endô debann, individuala y se referesc a jogn, jones y geniturs o autorisés al educaziun. Al ne va debojügn de degüna prenotaziun. Plü informaziuns te SaJ, ☎ 0474 523070.

Döt le bun a: Florian Terza * 03.05.1921
Anna Taibon Pedevilla * 04.05.1932
y a düc chi co á santennom y compless i agn cöst'edema

Impressum: Ploania d'La Pli; redaziun Franz Rigo y Edith Willeit
Comunicaziuns cina al **dedemesaledema** sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploan: **Signor Heinrich Perathoner**
E-mail: ploania@gmx.net

Calogna Al Plan: **0474 501006**
Radio de Ploania: **93,00 Mhz**

UNITÉ PASTORALA



VAL BADIA
www.unitepastorala.org

Ann C

01.05.2016 - Sesta domegna de Pasca

n. 23

N Spirit nö


☞ **St.Ap 15, 1-2.22-29 | Rev 21, 10-14.22-23 | Jan 14, 23-29**

Dal Vangelo do San Jan:

Te chel tomp á dit Gejú a sü discepui: ²³Sce önn m'ô bun, se tignará a mia parora; mio Pere ti orará bun y nos gnarun da d'el y abitarun pa d'el. ²⁴Chel co ne m'ô nia bun, ne se ten nia a mia parora. Y la parora che os aldiis, ne ven nia da mé, mo dal Pere, co m'á mené. ²⁵Cösc ves á dit, ciamó dertan ch'i sun pa os. ²⁶Le paraclet, le Spirit Sant, che le Pere menará te mio ennom, chel ves ensinará döt y ves recordará döt ci ch'i ves á dit. ²⁷I ves lasci la pêsc, i ves dá mia pêsc; nia desche le monn la dá, ves la dá. Osc cör ne dess nia se desturbé y ne dess nia s'la odei. ²⁸Os eis aldí, ch'i ves á dit: I m'an va y i vegni endô da os. Sc'i m'oreses bun, se ralegrasses, ch'i va dal Pere; deache le Pere é plü gran co iu. ²⁹I ves al á dit belo sen, denant ch'al sozedes, por ch'i roeise a creie, canch'al sozedará.

I ponsun do

Al n'é nia na delujiun plü grana por na porsona credenta, co na comunité co se taca ma al passé, na comunité co ne chir degünes respostes ales domandes d'aldedancö y co vir sonza entusiasma ma plü deforaia. Chel co mina da podei sté chit tla fede, é tal laur da la perde. Gejú baia porchel de chel Spirit, co se dá entres endô motivaziun y se condüj ennant.



I periu

Signur, to Fi s'á empormetü l'aiüt dal Spirit Sant. Dasse entusiasma por na vita dedicada a te y ala parora de Gejú Crist, co vir y regneia con te por dagnora.

Wilhelm Egger "Sonntagsbibel"

☞ **Letöres dla gran festa dl'Ascensiu dal Signur - Palsacrusc:**
St.Ap 1, 1-11 | Ef 1, 17-23 | Ebr 9, 24-28; 10, 19-23 | Lc 24, 46-53

Edema liturgica dai 01.05. ai 08.05.2016

DOM 01.	Sesta domegna de Pasca de San Florian	<i>Ojöp laurant, Geremia, Augustin, Arnold, Maximilian</i>
▶ 08:00	gran messa dla comunité	
▶ 08:30	prozesciun a Curt con benedisciun dal rü d'La Pli, 2 vangeli, s.m. ad onú de San Florian do int. dai Stödafüs d'La Pli y d'Al Plan ♫ <i>Musiga d'Al Plan</i>	
Lön 02.	<i>Atanase, Sigismund</i>	
▶ 19:30	corona en onú de Santa Maria y por ringraziamont	
Ded 03.	<i>festa dai sanc apostui Filipo y Iaco, Alexander</i>	
07:30	s.m. d'aniversar por + Jep Ellecosta, Taibun/Ombolt s.m. por + Massimo Topran Cutin, La Pli	
Dem 04.	<i>Florian (patronn da Curt), Guido, Valeria</i>	
18:00	s.m. a Al Plan	
Jöb 05.	<i>dles Crusc Max, Angela, Iuta, Sigrid - dé d'oraziun do vocaziuns</i>	
▶ 06:00	prozesciun fora Sares danló s.m. do intenziun en onú de Santa Maria	
Ven 06.	<i>dles Crusc - pröm vendres Markward, Antonia, Gundula</i>	
▶ 19:30	signor ploan va a proveder prozesciun fora Pliscia , danló Zelebraziun dla Parora de Dio	
Sab 07.	<i>dles Crusc Notker, Gisela, Agostin, Benedet</i>	
▶ 07:00	prozesciun ia Curt , danló s.m. por i nüc Daniel Ellecosta y Silvia Pircher s.m. por + signor Merch Graffonara	
09:00	röa adalerch les prozesciuns dla bassa Val Badia s.m. do intenziun	
18:00	s.m. <i>prefestia a Al Plan</i>	
DOM 08.	GRAN FESTA DL'ASCENSIUN DAL SIGNUR PALSACRUSC - DE DLA OMA	<i>beata Ulrika Nisch, Friedrich, Ulrich, Ida</i>
08:30	gran messa ciantada por döta la ploania <i>oferta por i debojügn dla ploania</i>	
10:00	s.m. a Al Plan	
<i>ampola:</i>	por chi d'André	
<i>ministronc:</i>	▶ da doman y domegna: Noemi Erlacher y Jacklyn Clara ▶ da sera y domegna: Denis Trebo y Stefan Taibon	
<i>i recordun:</i>	Canzio Willeit Jep Ellecosta, Taibun/Ombolt Signor Franz Agreiter SDB, Brasil Lena Piazza Ties	+ 01.05.2009 + 02.05.2011 + 03.05.2009 + 07.05.2006



Iubileo Straordinar dla Misericordia: 8.12.2015 – 20.11.2016 (10)

Nosc ponsier va sen ala Oma dla Misericordia. Söa odlada plena d'amur dess nes acompagné tres cösc Ann Sant, por che i sunse bogn da descörí da nò la ligreza por la bunté de Chelbeldio. Degügn ne n'á emparé da conesce desco Maria la profundité dal mister de Dio co s'á fat porsona. Döta söa vita é stada caraterisada dala presenza dla misericordia gnüda porsona umana. La Oma dal Crist Rosserí é jüda ete tal santuar dla misericordia divina, deache ara é gnüda tuta ete deplen tal mister de so amur.

Chirida fora a diventé la Oma dal Fi de Dio, é Maria da empröma encá gnüda arjignada ca por ester Arca d'Alleanza danter Dio y la porsona. Ara á conservé te so cör la misericordia de Dio te na sintonia perfeta con su Fi Gejú. Söa ciancia de lalt sön limo dla ciasa de Elisabeta é dedicada ala misericordia co se destenn fora da generaziun a generaziun (Lc 1,50). Ince nos ên belo presenc te ches parores profetiches dla Vergine Maria. Cösc dess nes consolé y encorajé canche i passarun tres la Porta Santa por sperimenté i früc dla misericordia divina.

Papa Francesco "Misericordiae vultus"



GEBETSMEINUNG
DES PAPSTES FÜR

Mai

Wir beten für die Frauen in allen Ländern der Welt: Sie mögen geachtet und geehrt werden und ihr unersetzlicher sozialer Beitrag anerkannt und gefördert werden.

Wir beten für alle Familien, Gemeinschaften und Gruppen, die sich durch das Gebet des Rosenkranzes für die Evangelisierung und den Frieden einsetzen.

"Siamo tutti chiamati a percorrere lo stesso cammino del buon samaritano, che è figura di Cristo".

Rivolgo un cordiale saluto a tutti i pellegrini di lingua tedesca, in particolare al gruppo della Diocesi di Bolzano-Bressanone con il loro Vescovo Mons. Ivo Muser. Saluto anche voi, cari giovani, che siete presenti così numerosi. Vorrei incoraggiarvi a riconoscere le diverse occasioni quotidiane per diventare prossimo, cioè persone che si fanno vicini a quanti soffrono. Come il buon samaritano fatelo anche voi. Dio vi benedica tutti.

Papa Francesco, udienza generale 27.04.2016



Vita de ploania y de paisc

- **I enviun ales corones de má:**
te dljia: le lönesc sera vegnel dit la corona, le dedolönesc y la sabeda sarál do messa na picia funziun a Santa Maria
te capela da Longega vegnel dit vignedé ales 20:00 la corona
te ciüch da Miscí vegnel dit vigne dedemesaledema ales 20:00 la corona.
Al ven samben ince motü a cör la **corona a ciasa**; dandadöt le vendres co é ponsé desco de olá che les families dla ploania forma na comunité de oraziun.

S'arjigné ca al Bato: l'Uniun dles Eres Catoliches dal decanat envieia düc i geniturs co á na creatöra da bacé, pers co aspeta, toc y totes ala preparaziun dal Bato, en **sabeda ai 15 de ma** dales 15:00 ales 17:00, te Ciasa dles Uniuns a **La Pli**. Prenotaziuns ☎ 328 0717796.